

եռակահիւս ձուլածութեամբ, եռ զլիսեան ի ձև վիշապաց ունի ընդ ինքեան: Ասեն վասն սորա՝ թէ տըլըսմ է յաղագս օձից, զի մի բազմացի ի քաղաքս և կամ թունաւորեցի (*): Եւ մեծամեծք և զօրագլուխք վերոյ ասացեալ ճամին նստան մուհտովն հանդերձ՝ առ ի յուզումն իրին, և նախ խնդրեցին զվէզիրն Ահմէտ (**), որ ի գիշերիս փախստական էր լեալ ի տուն ումեմն իշխանի զի ապրեացի: Եւ նա ըմբռնեալ ետ ի ձեռս նորանխտ վէզիրին, և ի նմանէ խեղդամահ լեալ սատակեցաւ և ընկեցաւ ի մէջ ասպարիսին ի տես բամկին: Եւ յետ պահու ինչ եկն ժանդ և դառնահոգի զազէսքէրն (***) ի մէջ ամբոխին, ընթացաւ յերկրպագութիւն մուհտոյն, և նա ոչ եթող հպիլ առ ինքն, այլ նախատանօք յետս կացոյց, և նա ի նոյն տեղով սրախողխող լեալ սատակեցաւ ի զօրացն և ընկեցաւ մերձ առ միւս մարմնոյն, որ և զօրացն սուր եղեալ ի վերայ նոցա յօշօշեցին սատակեալ մարմինք նոցա, և այնպէս կորեան զազէսկէրն և վէզիրն, չարքն՝ չարեօք: Եւ ապալ սկսան վիճիլ ընդ թագաւորին և բազում բանիւք մարտեան ընդ նմա: Իսկ թիկնապահք թագաւորին խորհրդով միացան ընդ զօրացն, և յետ բազում ընթացան միահաղոյն խուռն ամբոխիւ յապարանս թագաւորին և ընդգիմացան ճակատ առ ճակատ և ասացին բազում բանս նախատանաց ընդ նմա: Եւ մայրն աղաղակէր՝ թէ Զինչ չարութիւն արար որդի իմ, ա՛յ մեծամեծք իմ, և այժմ զի՞նչ ևս կամիք արասցէ ձեզ: Եւ անգոսնեալ մուհտուն զնա ասելով. կարկեա՛յ զբերան քո, ո՛վ կա-

(*) **Լուս.** ... ելի Լեռն ... ֆօսէ որ ... է Յունաց (Ինչպէս հոս՝ նմանապէս յայտրդներուն մէջ կէտեր նշանակուած տեղերը դանակի տակ ինկած են ձեռագրին կազմուած ասեմ):

(**) **Լուս.** **osur** գրչէ. Հազար փարէ Ահմէտ փաշա:

(***) **Լուս.** որ կոչ ... օղլան ... և զէվ ...